

10 DAYS OF PRAYER

WWW.TENDAYSOFPRAAYER.ORG

Okuddayo ku Kyooto – Obulamu Obw’okusinza n’Obubaka obw’Ekiseera Ekisembayo

OLUNAKU 8 – OKUSINZA N’OBUBAKA BWA BAMALAYIKA ABASATU

“Mutye Katonda, mumuwe ekitiibwa; kubanga ekiseera eky’omusango Gwe kituuse: mumusinze eyakola eggulu n’esi n’ennyanja n’ensylo ez’amazzi” (Okubikkulirwa 14:7).

Obubaka Bwa Malayika Asooka N’owokubiri

Ng’abakkiriza Abadiventi, twayitibwa okubuulira obubaka obw’ekiseera ky’enkomerero obujjudde amakulu amangi nga mpaawo kirina kutuggya ku mulamwa (Ellen G. White, *Testimonies for the Church*, vol. 8, p. 302). Tubuulira obubaka obwa malayika asooka “ng’abuuka mu bbanga ery’omu ggulu ng’alina enjiri ey’emirembe n’emirembe, okubuulira abatuula ku nsi” (Okubikkulirwa 14:6), ng’akubiriza bonna okutya Katonda, okumuwa ekitiibwa, “n’okumusinja eyakola eggulu n’ensi n’ennyanja n’ensulo z’amazzi” (olunyiriri 7). Ennyiriri zino zitujjukiza nti entandikwa y’olulyo lw’omuntu lwa bwakatonda, sso ssi mu bitonde birala ng’amazike. Tulina “enjiri ey’emirembe n’emirembe” – nga ya biseera byonna, nkulu era ya lubeerera, yetaagisa nnyo ate nga teva ku mutindo!

N’era tugabana obubaka bwa malayika ow’okubiri obusangibwa mu Okubikkulirwa 14:8: “Kigudde Babulooni!” Obubaka buno obutukuvu bukoowoola bonna abagoberezi ba Katonda mu mazima okugaana zonna ez’okusinza wamu n’enzikiriza eziteesigamidde ku Kigambo kya Katonda. Butukubiriza obutettanira nzikiriza ezitasibuka mu Byawandiikibwa yadde okuwagirwa Omwoyo w’Obunnabbi. Mukifulumemu Babulooni muleme kubalirwa ku byonoono n’ebibonyobonyo byakyo, nga malayika owa Okubikkulirwa 18:4 bw’ajja okulagira. Okukowoola kw’obubaka buno obutukuvu kwa kweyawula mu kusinza kwaffe okw’amazima eri Katonda!

Obubaka Bwa Malayika Ow’okusatu

Naye bwekiba nga obubaka obw’emirundi ebiri obusooka bw’amaanyi ab’emikwano, Ellen White alina ky’ayogera ekyewuunyisa ku bubaka obwa malayika ow’okusatu. Ellen White awandiika bw’ati mu bbaluwa ye eya 209: “Amaanyi ag’okubuulira kw’obubaka obwa malayika asooka n’owokubiri gajja kunnyikizibwa mu bwa malayika ow’okusatu” (1899). Kinaasoboka kitya? Kubanga obubaka bwa malayika ow’okusatu bulimu obubaka bw’enjiri ey’emirembe n’emirembe wamu n’okukowoola abantu okusinza! Beppo bulimu n’okukowoola kwa malayika ow’okubiri obw’okwekutula ku kusinza okukyamu. Wabula okubuulira kw’obubaka obw’okusatu kwawukanamu ku obwo obw’emirundi ebiri mu ngeri nti buno bujja n’okulabula okw’entiisa: “Omuntu yenna bw’asinza ensolo n’ekifaananyi kyayo, era bw’akkiriza enkovu ku kyenye kye, oba ku mukono gwe, oyo naye alinywa ku mwenge gw’obusungu bwa Katonda ogufukibwa ogutatabulwaamu mazzi mu kikompe

ky'obusungu Bwe" (Okubikkulirwa 14:9). Obubaka buno bulaga abasinza ensolo ab'ensi n'abasinza Katonda abateekeddwaako envumbo y'eggulu!

"Awo we wali okugumiikiriza kw'abatukuvu, abakwata ebiragi bya Katonda n'okukkiriza kwa Yesu" (Okubikkulirwa 14:12). Ellen White awandiika bw'ati ku bubaka buno, "Ge mazima ag'ekiseera kino. Obubaka buno bulina okubunyisibwa mu ngeri ey'enjawulo ennyo ate era n'amaanyi. Tebulina kugattibwaamu ndowooza na buyiia bw'abantu" (Letter 20, 1900). Nga tusaba olwa leero, ka twegayirire Katonda atuwe amaanyi mu kusinza kwaffe olw'okutusobozesa okubuulira obubaka Bwe obw'ekiseera ekisembayo eri ensi eri mu kufa.

Ka twogere eri Katonda waffe.

Ekiseera eky'Okusaba (Eddakiika 30-45)

Okusaba okw'Ekigambo kya Katonda – Okubikkulirwa 14:7

“Mutye Katonda, mumuwe ekitiibwa; kubanga ekiseera eky'omusango gwe kituuse: mumusinze eyakola eggulu n'ensi n'ennyanja n'ensulo ez'amazzi.”

“Mutye Katonda, Mumuwe Ekitiibwa”

Ai Omuyinza wa byonna Katonda, Kabaka w'obwengula, twagala okwewombeeka mu maaso Go. Oli Katonda waffe, Katonda wekka, era osaanidde ettendo lyaffe, okusinza kwaffe, n'obulamu obutambulira ku by'oyagala. Wewuunyisa, oli mulungi, oli w'amaanyi, era osamaaliriza. Tukasaba otuukirize kye wasuubiza era otujjuze ne Mwoyo Wo Omutukuvu atusobozese okutuukirira mu kikula Kyo eky'okwagala. Tusaba oweebwe ekitiibwa awamu n'okutegeerebwa okuyita mu ffe. Amiina.

“Kubanga Ekiseera Eky'omusango Gwe Kituuse”

Ai Yesu, obunnabbi bw'ebitabo bya Danyeri ne Okubikkulirwa bulungi nnyo: Tuli mu biseera by'omusango eby'ebyafaayo by'ensi. Webale nnyo olw'okubeerawo kw'obutuukirivu Bwo gyetuli, nga butuweebwa olw'okukkiriza, ate nga butuwa obukakafu bw'okulokolebwa wakati mu kusala omusango. Tukasaba otuyambe olw'ekisa Kyo, okutambulira mu bulamu obw'omugaso, obw'okukola omulimu gw'enjiri, nga tukussaamu ekitiibwa mu buli kye tukola. Amiina.

“Mumusinze Eyakola Eggulu N'ensi”

Ai Yesu, bwe tutunuulira ensi eno n'obwengula, obulungi bw'ebyo bye wakola butusamaaliriza. Wadde nga ekibi kikosezza nnyo obutonde, tukyasobola okulaba obukugu n'obuyiia Bwo mu byonna bye wakola. Tetwandisobodde kubaawo wootali. Webale nnyo olw'okugabana obulamu Bwo naffe wamu n'okututonda okutabagana naawe, Omutonzi waffe ebbanga lyonna. Amiina.

Ebirowoozo Ebirala eby'Essaala

Okwebaza n'okutendereza: Muweeyo okwebaza olw'emikisa egimu n'okutendereza Katonda olw'obulungi Bwe.

Okwatula: Waayo eddakiika entonotono olw'okwatula okw'ekyama n'okwebaza Katonda olw'okusonyiwa Kwe.

Okulunyanya: Musabe Katonda abawe amagezi okuyita mu bisoomooza n'okusalawo ku bigenda mu maaso.

Ekkkanisa Yaffe: Musabe Katonda okuwa omukisa emirimu egy'ekkanisa yaffe mu kitundu, mu bbendobendo, ne munsu yonna.

Obwetaavu bw'Ekyalo: Musabire obwetaavu bw'abakkiriza mu kkanisa, ab'enganda, ne baliraanwa.

Okuwulira n'Okwanukulwa: Muweeyo obudde okuwuliriza eddobozi lya Katonda n'okulyanukulira nga oyita mu kutendereza oba mu luyimba.

Ebirowoozo ku Nnyimba:

- i. Ayita N'ekisa Abaabula - #228
- ii. Wonya Bonna Abo Abali Mu Kibi - #56
- iii. Akomawo Akomawo -
- iv. For God So Loved the Worlds
- v. I will Make You Fishers of Men